



KOMUNIKADU IMPRENSA

Centro Chega!!P Realiza Workshop Simulasaun Asesu Dokumentu Istóriu Prezerva Iha Arkivu Chega!.

Dili – (15 Maiu 2025), Centro Nacional Chega!!P liu husi Divizaun Prezervasaun no Memórializasaun (DPM) organiza workshop ho tema **"Konstrui Narativa Istórica: Promove Peskiza iha Arkivu Istóriu Centro Chega!!P"**, ne'ebé realiza iha Salaun Konferensa Centro Chega!!P, Antigo Comarca Balide.

Objetivu prinsipal husi workshop simulasaun ida ne'e, mak haklean estudante sira nia koñesimentu kona-ba dokumentu sira mak conserva hela iha Arkivu Chega!, promove sira nia abilidade oinsa uza dokumentu istóriu nu'udar rekursu primáriu ba peskiza, no mellora sira nia koñesimentu kona-ba prosedimentu asesu dokumentu istóriu iha Arkivu Chega!.

Workshop ne'e, kompleta ho atividade sira mak hanesan, apresentasaun materia peskiza arkivistika, atividade Chega! Tour hodi lori estudante sira vizita ezibisaun sira iha Comarca Balide, estabelese grupu diskusaun entre estudante sira iha simulasaun peskiza arkivu tuir temátika ne'ebé define ona, inklui jogu interativu sira hodi ajuda estudante sira bele kumprinde liu tan prosedimentu asesu iha Arkivu Chega!. Atividade ne'e, artisipa husi estudante universitáriu sira mai husi Instituto São João de Brito (ISJB), Universidade Oriental Timor Lorosa'e (UNITAL), Universidade Dili (UNDIL) no Universidade da Paz (UNPAZ).

Workshop simulasaun ne'e, parte ida husi atividade diseminaun arkivu istóriu ba estudante universitáriu sira atu hasa'e koñesimentu kona-ba arkivu istóriu tanba arkivu nu'udar guardiaun ba memoria istorika sira husi comunidade ka sosiedade ida nian, hodi asegura continuidade entre pasadu, presente no futuro. Arkivu mos ezerse funsaun ida hodi tulun sosiedade sira komunika ho nia pasadu ne'ebé iha ligasaun ho kultura, ekonomia, política, edukasaun no prosesu transformasaun comunidade ida nian no lori kumprensaun kolektivu ida kona-ba konstrusaun sosial, politica no kultura ohin loraun.

Atividade hirak ne'e hala'o, haktuir ba rekomendasaun iha relatóriu Chega! iha pontu 7.5.2 Dokumentu sira mak produs husi Comissão de Acolhimento, Verdade e Reconciliação (CAVR)-Chega! arkiva nafatin iha antigo Comarca Balide no funsiona nu'udar parte ida husi arkivu legal nasional bazeia ba politica ne'ebé deside husi Komisariu CAVR sira to'o tempu lejislasaun nasional mosu. Ho nune'e, Centro Chega!!P nu'udar Institutu Públiku ida ne'ebé estabelese ho Dekretu Lei nº. 48/2016 ho nia misaun prinsipal ida mak prezerva, disemina no promove asesu ba dokumentu istórika sira mak rai iha nia aservu, espesifikamente, rejistu dokumental sira relasiona ho violasaun direitu umanu grave ne'ebé akontese durante periodu okupasaun militar Indonézia, 1975-1999.

Entertantu, diseminaun arkivu nu'udar planu anual Centro Chega!!P nian tinan 2025 ne'ebé responsabiliza husi Departamentu Arkivu Istóriu husi Divizaun Peskiza no Memórializasaun (DPM) hodi promove atividade ne'ebé insentiva uzu arkivu ba fim peskiza no investigasaun akadémika.

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei nº. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeitu ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne'ebé relevante".